



É l b è l M a g h è t a

Alla signorina Irma Salmìni

Roustón, Lily,
Rìta, Gàby,
pitoùr dé cà,
mé sprüszna, a mì,
dé paciuegà

coùnt i penèi!
Quànti cìngu ghèi,
mì, dé fióeu,
ch'òu trà in pastèi!
Mò giüsta incóeu

büsci dé dàgch
dénter - zìch, zàch -
sòta! e a l'Irmèta...
dé pituràgch
òun bèl maghèta

dé la giournàda.

Quànd té sé andàda
fóeura pér tóeu
càrta boulàda,
l'ét vùst incóeu?...

Lü, pròpi lü!

véra? dì sü?!?

Dìm coùme l'éra?

... stringà... fà sü...

ùùh... coùme l'éra?

... struecà... à coù bàs...

squàszi él pourtàs
a spagoulèta
la Mòrt a spàs?...



... in cuepoulèta
dé cardanèl,
fàcia d'ueszèl,
cràpa dé pàser,
l'è él Gabrièl
che v`a... che p`asa...

fìlel... che co`ua...
la v`ita so`ua...
- str`amba... not`amboula... -
che lo`unga co`ua!...
Sémper in sci`amboula,

sémper in màchina,
l`ü, l'è la màchina
pér poudè co`ur...
... and`a... la màchina...
... ma int`anta, lo`ur,

i str`ìj, i str`ìj,
tè d`ìszì... i str`ìj...
la v`ita f`óeura...

co`ui sciniv`ìj,
ché ghé süscen... f`óeura
d`ài d`it d'`i pé!...

Téndegh adré!
Do`uv'èl? co`um'è?
(óh ché mesté!)

Té ch`ì !

- Tax`ì! ...
oumbrèl... bueto`ùn...
rueszo`ùn... -

mà tè,

sè l'`éra lì
adès...
lì insc`ì!
do`uve él po`u vès
and`a à fin`ì?

- Càmion, recl`àm,



motouciclèt e trà -
t'él là!... óh 'dès!
Clàxon... üühh...
(tràn sü!)
pètt... pèèètt...
(càghen... adèss!)

e oùn fiüm, oùn fiüm
dé gént... oùn fiüm!

e lü,
doùv'èl?

in füm
l'è andà,
óh bèl
mà v!à!


... él gh'è pü!

Delio Tessa Milano, 1932-39




Dal testo originale su [Liber Liber](#) (pubblico dominio) 

"L'e el di di mort, alegher; De la del mur e altre liriche"
di Delio Tessa ; a cura di [Dante Isella](#);
edito da: [Einaudi](#), Torino, 1985

Corretto ed accentato da: [Annibale Covini Gerolamo](#)

Creative Commons 3.0 

grazie ai Vocabolari Milanese - Italiano di:

- [Francesco Cherubini](#) (prime publ. Regia Stamperia: 1814 - 43)
(pubblico dominio)  su [Archive](#)
- Francesco Angiolini (prima pubbl. Paravia 1897)
(pubblico dominio)  su: [Archive](#)
- [Cletto Arrighi](#) (seconda ed. Hoepli 1896)
(pubblico dominio)  su: [Google Libri](#)

ultima revisione: 30 luglio 2022